



Sabtu, 02 Juli 2022

Ogen: Ulangen 16:9-12



Buena rikutken pasu-pasu



Lit sada keluarga perjuma baru denga ndatken berita meriah i ja lembuna baru denga ranak 2 anak lembu. Mis nina perbulangenna, "O mak, adi bage mis lah sibereken sada man Tuhan jadi persembahenta". Pagi-pagi si lampas, si perbulangen lawes ku karang lembu janah idapetina sada anak lembu ndai mate. Mis ia serko ndilo ndeharana," O mak e, anak lembu Tuhan nggo mate....anak lembu sikerajangen Tuhan nggo mate...". Megi perbulangenna serko, mis ndeharana reh janah nina," maka katakenndu anak lembu Tuhan mate, me langa siputusken anak lembu siapai si bereken man Tuhan?". Nina perbulangenna," memang lenga bo sitentukan siapai si bereken man Tuhan, saja ngenca kenca kuidah sada anak lembu e mate, nggo kutetapkan maka si e sibere man Tuhan". Ngerana kerna persembahen, megati mbue kalak make kalkulator guna ngkirai untung-rugi ope lenga mere persembahen man Tuhan. I bas teks ta sendah, maka ikataken Tuhan man bangsaNa guna erbahan kerja rani. Berarti kerja rani e me sada perintah Tuhan siertujun guna pehaga Tuhan Dibata. Persembahen e labo ipatokken Tuhan kasakai buena tapi terjeng rikutken pasu-pasu sialoken kita arah Tuhan Dibata. Persembahen e labo masalah untung-rugi tapi pengataken bujur i bas pemasu-masun Tuhanta e. Janah labo terjeng e ngenca, tapi arah kerja rani uga ka kita banci nampati kalak sideban e me kalak lewi, kalak pertandang, diberu balu-balu ras anak melumang. Berarti arah persembahen kerja rani lit i je sikerajangen kalak sideban. Adi ikawitken i bas gerejata GBKP, maka kerja rani e lit gunana man pandita ras pegawai bage pe tri tugas gereja.

Alasan-Ku meminta kepadamu untuk memberikan persembahan kepada-Ku adalah untuk membuktikan kepada kita berdua bahwa kamu lebih mengasihi-Ku ketimbang menyukai apa yang dapat Ku berikan untuk mu. (Claire dan Curt Cloninger, Email dari Tuhan, 66)